



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

XXIV. De evitatione curiosæ inquisitionis super alterius vita.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)

devotionis aquas, ad irrigandam faciem terræ, ad producendum fructum bonum & optimum.

Eleva mentem pressam mole peccatorum, & ad cælestia totum desiderium meum suspende, ut gustatâ suavitatē supernæ felicitatis pigeat de terrenis cogitare.

10. Rape me, & eripe ab omni creaturarum indurabili consolatione, quia nulla res creata appetitum meum valet plenariè quietare & consolari.

Junge me tibi, inseparabili dilectionis vinculo; quoniam tu solus sufficis amanti, & absque te frivola sunt universa.

C A P U T XXIV.

*De evitatione curiosa inquisitionis
super alterius vita.*

1. **F**illi, noli esse curiosus, nec vacuas gerere sollicitudines.

Quid hoc vel illud ad te? tu me sequere.

Quid

Quid enim ad te, utrum ille sit talis vel talis, aut iste sic & sic agit vel loquitur?

Tu non indiges respondere pro aliis, sed pro te ipso rationem reddes. Quid ergo te implicas?

Ecce ego omnes cognosco, & cuncta quæ sub sole fiunt video; & scio, qualiter cum unoquoque fit, quid cogitet, quid velit, & ad quem finem tendat ejus intentio.

Mihi igitur omnia committenda sunt; tu verò serva te in bona pace, & dimitte agitantem agitare, quantum voluerit.

Veniet super eum quidquid fecerit vel dixerit, quia me fallere non potest.

2. Non fit tibi curæ de magni nominis umbra, non de multorum familiaritate, nec de privata hominum dilectione.

Ista enim generant distractiones, & magnas in corde obscuritates.

Libenter loquerer tibi verbum
meum,

meum, & abscondita revelarem, si adventum meum diligenter observares, & ostium cordis mihi aperires.

Esto providus & vigila in orationibus, & humilia te in omnibus.

C A P U T X X V.

In quibus firma pax cordis, & verus profectus consistit.

1. **F**ili, ego locutus sum: Pacem relinquo vobis, pacem meam do vobis: non quomodo mundus dat, ego do vobis.

Pacem omnes desiderant; sed quæ ad veram pacem pertinent, non omnes curant.

Pax mea cum humilibus & mansuetis corde. Pax tua erit in multa patientia.

Si me audieris, & vocem meam secutus fueris, poteris multâ pace frui.

2. Quid igitur faciam?

3. In omni re attende tibi, quid facias,